

無棣縣志

卷一	卷二	卷三	卷四	卷五
疆域志	建置志	爵秩志	賦役志	學校志

續修無棣縣志序

昔太公之封於齊也賜履步疆北至於海課魚鹽利中國富厚甲天下泱泱乎大風哉歷世以來滄海日爲桑田拓地益豐焦延壽氏所謂屏藩固國富我商人利得各邱者也五方之民牽負襁至來茲相宅漸以繁庶則其建置教養以及屯墾畜牧各大事日舉而月就星野風角形勢永宜城郭之興築也鄉社之位置也山林之啓闢也道路之通治也黍稷長養而牛羊蕃孳也庠序振興而人文輩出也是皆前賢經營創制後哲因沿充實其功非一手一足之烈其事有再變至道之序前者述而識之後者徵而治之凡風俗方物虞衡規約於政教之闕者進而完美焉物產之墮者進而增植焉工藝之窳者進而課最焉是稽鑑於往乘而措施於近政者固不重歟無棣年來潮汐填堙益地且逾百里土著游人之

無棣縣志

卷首

序

山東商務印刷所印

來受地而墾者相屬於道過此數十年將盡植西山之木而蔚然增任村唐樹之盛則海墻之蕃饒更足以廣齊北之版圖拓里乘之部居焉余自民國壬戌歲來治縣事邑紳張君秋陽張君任夫等以重修縣志來署商榷邦人君子亦僉贊同其議夫無棣縣志書自明孝武時創修歷數百年至清康熙間始續修之今又二百五十餘年矣地形物質文化日進歲增目存而耳食者傳之久或積漸忘之斯固宰是邑者所當睚勉組存者也既設局肇始余自愧祿薄不足以助厚貲幸邑之賢俊相籌畫而竣其業甲子縣志成余適離任居濟南邑人以余曩預是謀問序於余余惜聞政未久不得竟其績爰述志書爲用如此後之君子其致意焉是爲序

中華民國十三年十月侯蔭昌識

無棣縣志續修序

邑之有乘猶國之有史也資攷鏡寓勸懲顧可一日少哉夫閱世生人閱人成世積久至二百數十年之多無論山川之險夷幅員之廣狹戶口之登耗物產之盈絀與夫俗尚之貞淫奢儉治理之純駁得失逐時爲更即忠臣孝子節婦義夫有待於表彰者指不勝屈此泚筆記錄生於斯長於斯者責無旁貸也雖然言之匪艱行之維艱吾棣縣志自先文敬公歷四載之勞成書於康熙紀元之六年越今日且二百五十餘年傳聞中間宿儒王熙甫先生手爲續稿而未出以問世後經兵燹門祚亦衰藏稿遂付諸蕩然有清之季邑中奉文志鄉土僉謂縣志隔矢茲焉驥步然言之者不一人而出而爲之者卒鮮轉瞬變遷風微人往徵文考獻蓋駸駸乎難之又難焉壬戌冬張君秋陽與韓子文華商裒輯先正遺文

無棣縣志

卷首

序

一

山東商務印刷所印

名曰無棣文徵以津逮後學韓子曰先生斯舉旌已往勵將來嘉惠之意至矣顧事尤有大於是者邑志失修已久及今不爲後將益難儻沿襲其舊踵事奚增賡續爲新闡幽務至先生爲之其無難乎張君曰是余之志而未逮也今旣殷殷爲言余不敏敢畏其難於是偕王君夢楡集合同志開會議決遂設局所事採輯俾亦追隨諸君子後與聞討論惟作炊無米巧婦難爲始雖薄集捐資聊供紙墨之費而筆耕之士枵腹從公勢所不能彼五都之市一闕之集成以貨泉爲命脈况鉅室必大木是需長途非一蹴可幾挹注無源水涸立待設非邑侯侯熾夫捐廉提倡與郭子益忱繼起籌維其不至掘井棄井蹈於言之匪艱行之維艱也幾希嗣得郭廳長紹武張將軍少卿王旅長錫三各捐鉅款而不畏其難者始獲畢其堅毅志力以底於成計自癸亥春迄甲子冬越兩寒

暑而稿脫今將謀排印成書用弁言於首以誌是事緣起訖止并
以見成事始終之不易云

民國十有四年歲乙丑孟夏之閏

邑廩貢生張樹英任夫甫謹序

無棣縣志

卷首

序

一一

山東商務印刷所印

無棣縣續志序

吾人最可憾之事莫過於志有而力不逮夫所謂力者非惟財也
有其財而無其人或有其人並無其財而無其遇皆不足以展吾
力而償吾志 光烈 幼時勝衣就傅每見鄉先進與吾師談吾邑星
塾方與俗習物產與夫碩彥顯官及一切節烈忠孝廉讓任郵可
則可效可紀可傳之事輒傾聽而輟讀嗣讀左氏春秋至召太保
賜齊太公履曰北至於無棣乃知吾省一百七縣其得名最古者
莫吾邑若讀經之暇間及諸子又以知管子所以霸齊者官府山
海亦吾邑是資焉弱冠以還留心世務乃索取無棣縣志讀之欲
以印證吾曩者所聞讀竟嗒然若有所亡蓋縣志之失修久矣終
於故清康熙紀元之六年其六年以後事蓋闕如也嗟乎天道三
十年而一變今乃步算推移垂二百餘年鄉不登而里不書一聽

無棣縣志 卷首 序

一 山東商務印刷所印

文獻之自為湮沒後有作者難為繼矣竊不自量輒欲懲思邑人
踵續成之顧余謏陋寡學非能蒐輯之人而又財無所出亦惟抱
此志以顛將來而已無何制科報罷余乃汲汲於祿養風塵鞅掌
二十餘年去鄉日遠且久此志亦漸閣置今年春躬承簡命歸典
邦計舉凡一百七縣之田賦戶口胥羅列於几案間觸目動心夙
抱乃復萌發而卒卒竟無片晷暇偶涉冥想他日解組歸林定當
執簡以隨鄉先進之後以償吾志此時則未之逮也八月既望余
弟光謙來省解裝出巨帙凡六册以質余余受而讀之既驚且喜
曰嗟乎此非吾邑續志之已定稿乎抑何其完且備耶余因之有
感焉撰述之人每間世而一出不避艱苦尤為人情所難今以績
學之張秋陽先生主纂而又輔以才識兼優之邑校君子同堂探
討三歷寒暑甚至窗螢枯死而不恤不可謂無人垂成功敗後起

者却步非徒作者心灰也去年功虧一篑幾以貲罄坐廢余弟光謙固請於邑侯侯公提倡釀貲並助爲籌維任奔走竟一呼而巨貲立集不可謂無人與財設當日者不有張秋陽先生及邑校諸君子此舉必閣置不有侯公出爲提倡此舉雖不閣置而亦同於閣置嗟乎遇豈偶然哉余於此舉無毫末之力而坐償吾弱冠以還未償之志碌碌因人惡已然余弟實身預其役其去余之自爲力也相差幾何是則余之遇不尤奇也哉亟分俸金付余弟俾稍助校刊之需於其歸也爲之序如此亦聊以釋吾之憾而已至於是編締造之經過與夫部類之正確材料之豐贍則有張秋陽先生及邑侯侯公之序在可按也不複贅

中華民國十四年十一月 無棣郭光烈序於山東財政廳公廨

海豐縣志舊序

胡公著

以海豐而列於濟南所屬二十六邑之中猶黑子之著面也其由鹽慶而達潞河以望畿輔則猶襟帶之屬衣領也予既承乏文獻是徵辱諸縉紳先生朝夕提誨父老子弟燥溼相規迨茲三冬拮据瘡痍未有成績以慰夙夜意惟是掌故之弗脩而紀載之弗備語云不習爲吏視已成事邑之有志又安可闕乎哉會耆儒西澤張先生以所纂著示予予受而卒業已而深思喟然而嘆曰一邑猶一家也邑之有志猶家之有簿籍也故上稽之天時下辨之地理中數之人事三才具而古今之變悉矣其爲卷十有二爲類四十有六表誌記傳文而不飾詳而不蕪娓娓乎其言之將以示令茲土者勿負乎家人父母之義云爾而予乃重有愧焉夫雨暘不齊而水旱之備疎也秋一不登而嗷嗷待哺者幾何矣鄰壤相錯

無棣縣志

卷首

舊序

一

山東商務印刷所印

而干擻之不遑及也地故瘠而增之賦前之以王莊墾畝坐重累者是何額也人才蔚起名公碩士項背相望顧絃誦之風猶微而雀鼠之習未化學道而愛人易使豈徒諉之前聞乎卽縉紳先生不予鄙棄而予日與父老子弟貌赤相對所謂家人父母者將遽巡焉而俟之後之君子乎晦明風雨古猶今也山川形勝古猶今也士女農商古猶今也凡令茲土者當時無赫赫名去後猶令人見思者獨何人乎卽何得以時異勢殊而謂吾之不得行所志也彼家人父母推乾就濕顧我復我又何居焉然則志一邑者固一邑之志而非僅一邑也驢山連馬谷以眺岱宗龍灣引無棣而入滄海由一邑而推廣之其文獻徵諸此矣康熙庚戌冬嘉平月

海豐縣志舊序

王清

邑之有志也猶國之有史也其體主於紀載其文則史所以昭信

垂遠至重也海豐僻處海濱爲齊之北鄙所稱賜我先公履北至於無棣者是俗號醇厚名賢輩出前太宰楊公於嘉靖丁未曾得邑志於京邸迄今世遠籍湮不少概見間欲搜葺遺聞網羅當代勒成一邑之書有志而未逮也吾邑張西澤先生留心文獻抄有舊本十數紙雖多掛漏尙存什一迺以編續之責屬之於是博采羣書參考郡乘或訪之故老或得諸躬歷稿凡六易數閱寒暑乃克成斯書爲志者七爲表者二爲列傳者二共若干卷其事則增於前其例則循諸舊綱舉目張事具而言核其用心可謂勤矣夫邑志之缺殆百餘年先生於散佚之後殫精旁求補苴罅漏遂使久廢無徵之典一旦燦然可觀後之作國史者其有取於斯乎稿既就適張致堂司寇權關於杭乃爲區處工費鋟版以傳不佞善邑志之成也爰載筆而書之康熙辛亥春正月

無棣縣志

卷首

舊序

一一

山東商務印刷所印

舊刻海豐縣志序

張爲仁

吾邑無棣北界瀛海稱名邑舊矣國家都燕屬在侯甸則聲教先被之邦也乃析疆而爲下邑幅員褊小文獻散亡有明以來粗存誌略卷帙殘蕪迨乎末季兵燹浩告闕墜抑甚我朝百度釐舉皇輿統志鴻章鉅典旣哀聚於史局而山陬海澨之人沐浴太平操筆而司掌故諒亦采風者之所許也且吾邑應運而興讀中秘書者有人理郡縣分六官被繡衣者有人釋褐待詔上賢書貢國子者有人內考册府累代之藏下采列國省方之籍於以旁通參訂豈不彬彬乎美備也哉冰壺先生偕余二三同志雅欲纂述舊聞益以近事彙成一書而簿書間之迄未卒業乃以所見聞授余兄西澤氏而西澤氏久已任厥事搜遺補闕矻矻者數年矣爲卷十二類分四十有六凡志所有事無不備具余竊惟志者一邑之事

而六經諸史之義存焉其山川土田典制則周禮職方禹貢其紀載天象人事品物鉅細則洪範五行春秋國風先秦史漢要以明得失而示勸戒邑乘省志國史一耳士大夫上溯軒昊遐察窮荒而或近失之里閭故事安在其知本者乎余司權武林匏關多暇與二三同志重訂嚴核以爲可久蕞爾偏隅雖典章未備而一人一事亦卽六經諸史之旁流而分見者也因纂錄以付剞劂噫讀是志考邦憲述祖德法懿行服先疇警頹俗勤職業教子弟非祇以觀美云康熙庚戌夏六月

舊志述言

張克家

海豐舊有志蓋成於明孝武之間今山東通志所列邑中數事則猶舊志所載也蘄水易氏典教吾庠時以上大夫命卽舊帙益以新裁爲卷十八近得遺稿校謄各異當日未必出一手嗣是妻祖

無棣縣志

卷首

舊序

二

山東商務印刷所印

雪竹先生雅以纂述爲業謂邑乘一事尤不可闕之言胡侯條奏數千言以上旋及祿仕未竟編摩迄今以往譚及百餘年事幾成惜惜竊以國有史郡邑有志家有譜牒皆以紀盛衰寓勸誡庸可闕乎哉若乃左右史之筆削惟嚴守令之興除是務與夫孝子慈孫之競競無墜家聲者其義一也少宰冰壺先生前典史局獲觀全史遇曩事有涉吾邑者拈出示余曰是可取爲邑乘資也余亦携有數帙隨朝務之暇面相質訂復爲余博取羣書以供採葺歷數月條目麤具是在甲辰之秋冬也繼參鄰邑各志旁覽一過如入新豐市上獲觀舊觀乃循九河故道及城壘墟墓之在境內者足之所躡目之所矚幾遍焉憑往蹟而憶曠代之經營披遺文而識前人之志事不謂吾邑僻處海畔遂聽千古成寥落也積歲月所得綴入各條之下遇遠近聞人不憚造膝請正凡所折衷備列

於編是役也始於甲辰之春卒業於丁未秋杪稿凡六易視初所錄者存者僅半然聞識止此校讐頻數轉增蕪陋姑以備將來之草創云爾余幼而寡學竟無尺寸得效以茲垂老謬欲及此負慙彌深念先人曾爲拙宦孺子元慶嗣列鄉書敢曰先人之澤尙未溼於今日也幸藉此役得附先達之末以永著焉余即勉作書備以告成事於邑人士雖僭踰其奚辭康熙庚戌夏五

續修縣志職名

監修

署理 無棣縣知事 侯蔭昌 熾夫 大興

署理 無棣縣知事 熊仕昌 熾民 鳳陽

署理 無棣縣知事 孫璋 儒珍 青縣

主任

五等 嘉禾章廩貢 生張樹英 任夫

纂修

揀選 知縣舉 人張方墀 秋陽

副纂

廩 生劉子翔 季鸞

廩 生劉希孟 梅村

無棣縣志

卷首

職名

一

山東商務印刷所印

協修

庠 生王炳南 夢楡

山西蒲州府經歷附貢 生張樹杞 士謹

候銓訓導恩貢 生韓玉森 樹亭

候銓訓導附貢 生劉緒曾 業村

庠 生李文蔚 斐臣

庠 生張樹陔 孝香

廩 生張樹溫 秘臣

河南候補典史廩貢 生吳保昌 仲美

河南候補典史監 生南爾玉 子溫

教育局長初級師範學校畢業增生劉芳浦 鏡秋

吉林候補通判法政學堂畢業生郭光謙 益臣

法政學校畢業 生郭鴻達 翊軒

高等小學校教員初級師範學校畢業生韓邦治 文華

陸軍步兵中尉軍官學校畢業生吳凱 舜臣

校對

中學校畢業 貢 生李宗海 允卿

講演所長高等師範學校畢業 生張樹瀚 夢雲

高等小學校畢業 業 生孟祥堃 輝堂

採訪

北區視學員單級養成所畢業 生楊振寰 蘭芳

南區視學員高等小學校畢業 生王丕英 子傑

西區視學員高等小學校畢業 生呂玉璋 贊軒

東區視學員高等小學校畢業 生趙成源 仲泉

無棣縣志

卷首

職名

二

山東商務印刷所印

庶務

監 生張樹本 芾村

從 九 品李克遜 敏齋

從 九 品王其澧 燕芭

議事會議 員王官雲 帝臣

五品職 銜王侃昌 景陶

膳錄

庠 生張統 緒庭

襲 雲 騎 尉王銘彝 秉初


高等小學校畢業 業 生黃馨山 德甫

師範講習所畢業 業 生李徵典 徽五


無棣縣志圖

無棣縣志卷首圖

無棣縣境全圖




無棣縣志卷首圖




無棣縣志卷首圖


城關圖



三



無棟縣志 卷首圖




叢林塔影
 筆筆秀出藝人
 文形式平
 將雁塔分欲挾
 天章題碧落凌
 空一管掃烟雲
 李吳



芹泮槐陰
 槎柯古樹罩羣宮
 牆宇內常存奕
 葉光滿地春風
 兼化雨香
 壇分得
 一枝香
 李吳

無棣縣志 卷首圖

五



龍灣夜月

望月池邊

月倒懸清輝

照激水

中天


金波

激石明珠

湧知是

驪龍

夜不眠 李吳



無棟縣志 卷首圖

六

馬谷朝雲

孤峯競躍湧蟾蜍

朝出行雲意自閒 沒泊不

遣遊客夢聊將多

事笑玉山 李吳

